



AVgerius ex nobili familia Busbeckiorum natus, & in omnibus uirtutibus educatus fuit. Is cum optima indole luceret, in primis artibus & linguis operã dedit, & in ijs mediocrem cognitionem impetrauit. Postea quoq; armorũ studia coniunxit, & ob magnam animi prudẽtiã insignem rei bellicæ peritiã nactus fuit. Itaq; Ferdinandus Imperator hunc inter suos consiliarios adoptauit, & res magnas perficere iussit. Postea quoque 1562 suum legatum ad Turcarum Imperatorẽ Constantinopolim misit, ut cum eo pacem uel saltem inducias iniret. Eam legationẽ Augerius optimẽ peregit, & tãdem in Nouemb. cum Electores Francko

forti conuenissent, ut Maximilianum Ferdinandi filium Cæsarem designarẽt, ad Imperatorem redijt, atq; Turcicum legatum comitatum secum eò perduxit. Erat is Ebrahim Stratius natione Polonus. Itaq; eo tempore ad decenniũ pax confecta, quę tamen post annos tres, cum Imperator decessisset, iterum uiolata fuit. Hoc modo factum, ut Augerius apud omnes in magna existimatione fuerit. Anon.